

LEMBARAN PENDEDAHAN PRODUK

Pelanggan yang dihormati,

Lembaran Pendedahan Produk (PDS) ini menyediakan beberapa maklumat penting mengenai Insurans Kesilapan dan Ketinggalan untuk Perbadanan Pengurusan anda.

Pelanggan lain telah membaca PDS ini dan mendapati ia membantu; **anda juga harus membacanya.**

Tarikh:

1

Apa itu insurans Kesilapan dan Ketinggalan untuk Perbadanan Pengurusan?

Insurans Kesilapan dan Ketinggalan untuk Perbadanan Pengurusan melindungi kerugian yang timbul daripada mana-mana tuntutan yang dibuat terhadap Orang Yang Diinsuranskan untuk sebarang Salah Laku yang dilakukan di dalam daerah dilindungi selepas tarikh retroaktif yang dinyatakan di dalam jadual polisi.

2

Ketahui Perlindungan Anda

Sebagai ilustrasi, dengan pembayaran RM2,800.00 setahun, anda menerima perlindungan berikut:

Polisi ini melindungi:

Kerugian yang Orang Yang Diinsuranskan bertanggungjawab untuk bayar di segi undang-undang berkenaan dengan penyelesaian, pampasan ganti rugi atau kos, dan kos dan perbelanjaan guaman bagi Salah Laku Orang Yang Diinsuranskan.

Bagi tujuan polisi ini:

- "Salah Laku" bermaksud apa-apa salahnyataan, pernyataan mengelirukan, ralat, ketinggalan, libel, fitnah, pencemaran nama baik, kecuaiian, pelanggaran jaminan kuasa, kemungkiran tugas-tugas fidusiar atau sebarang tindakan lain yang sebenar atau didakwa dilakukan oleh Orang Yang Diinsuranskan yang bertindak di dalam keupayaan mereka sebagai sedemikian)
- "Orang Yang Diinsuranskan" bermaksud seorang individu semula jadi yang pernah menjadi atau adalah pengarah, pengurus, setiausaha atau pegawai lain yang serupa bagi pemegang polisi dan juga termasuk pemegang polisi itu sendiri.

Polisi ini juga diperluaskan untuk merangkumi pasangan sah Orang yang Diinsuranskan serta Harta Tanah Orang Yang Diinsuranskan, waris-waris atau wakil-wakil sahnya.

Polisi ini tidak melindungi:

Kerugian atau tuntutan yang timbul daripada:

- Keadaan atau kejadian yang diberitahu atau diketahui oleh anda dan dilindungi di bawah mana-mana polisi liability lain sebelum tarikh polisi ini bermula
- Salah Laku yang disengajakan
- Bayaran, komisen, gratuiti atau manfaat kepada kumpulan-kumpulan politik, kerajaan atau Orang Yang Diinsuranskan
- Tuntutan yang dibuat terhadap Orang Yang Diinsuranskan yang timbul daripada atau berhubung dengan perkhidmatan keselamatan yang disediakan oleh syarikat keselamatan
- Kecederaan anggota badan atau kerosakan harta kecuali jika disebabkan oleh Salah Laku
- Pencemaran atau langgaran mana-mana undang-undang yang melarang atau mengawal pelepasan efluen dalam apa jua bentuk
- Perang, perang saudara, pencerobohan, pemberontakan atau revolusi
- Keganasan
- Asbestos dalam sebarang bentuk atau kuantiti

Senarai ini tidak menyeluruh. Sila rujuk kepada kontrak polisi anda untuk butiran lengkap mengenai apa yang dilindungi dan tidak dilindungi.

Tempoh perlindungan adalah setahun. Anda perlu memperbaharui polisi anda setiap tahun.

Jika anda mempunyai sebarang soalan atau memerlukan bantuan mengenai Insurans Kesilapan dan Ketinggalan untuk Perbadanan Pengurusan kami, anda boleh:



Hubungi kami di
1 300 22 5542



Lawati kami di
<https://www.allianz.com.my/E&O>



Emel kami di
customer.service@allianz.com.my



Imbas kod QR
diatas

3 Ketahui Kewajipan Anda

Jumlah premium yang anda perlu bayar mungkin berbeza bergantung pada keperluan pengunderaitan Allianz.

Untuk tujuan ilustrasi, andaikan Orang Yang Diinsuranskan adalah syarikat pengurusan harta kediaman dengan had indemniti RM2,500,000 bagi mana-mana satu kejadian dan secara agregat, premium yang perlu dibayar adalah seperti berikut:-

| | |
|--|------------------------------------|
| Perlindungan Asas | RM2,800.00 |
| Di mana ini termasuk: | |
| Komisen | 15% daripada premium atau RM420.00 |
| Anda juga perlu membayar yuran dan caj berikut: | |
| Cukai Perkhidmatan | 8% daripada premium atau RM224.00 |
| Duti Setem | RM10.00 |

* Amaun Cukai Perkhidmatan ("CP") di sini mungkin tertakluk kepada perubahan kerana kadar CP yang digunakan hendaklah berdasarkan kadar semasa mengikut undang-undang Malaysia.

4 Maklumat Penting Yang Anda Patut Tahu

- Kewajipan penzahiran pra-kontrak bagi kontrak insurans bukan pengguna (menurut Jadual 9 di bawah Akta Perkhidmatan Kewangan 2013):
 - Sekiranya anda memohon insurans berkaitan dengan perdagangan, perniagaan atau profesion anda, anda mesti mendedahkan apa-apa perkara yang anda ketahui berkaitan dengan keputusan kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam hal keadaan itu boleh dijangka untuk tahu sebagai berkaitan.
 - Jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.
 - Jika sebarang maklumat yang telah diberikan adalah tidak tepat atau telah berubah selepas kontrak insuran dibuat, diubah atau diperbaharui oleh Allianz, anda mempunyai kewajipan untuk memaklumkan kepada Allianz dengan segera.
- Anda mesti memberi Allianz borang permohonan yang telah dilengkapkan, ditandatangani dan bertarikh untuk penilaian kami.
- Anda mesti memastikan had liabiliti anda adalah memadai untuk melindungi pendedahan risiko anda.
- Anda mesti mengisytiharkan anggaran tepat dana pengurusan kasar yang dikutip dan pengalaman tuntutan anda.
- Polisi ini adalah berasaskan 'tuntutan yang dibuat'. Ini bermakna kami akan menanggung tuntutan yang difailkan semasa tempoh insurans, walaupun salah laku yang menimbulkan tuntutan tersebut berlaku lebih awal, asalkan salah laku tersebut dilakukan selepas tarikh retroaktif yang berkaitan.
- Syarat Tarikh Retroaktif – Apabila tarikh retroaktif dinyatakan di dalam Jadual, insurans ini tidak akan diguna pakai ke atas tuntutan-tuntutan yang dibuat terhadap Pihak Diinsuranskan dengan alasan sebarang tindakan, ralat atau ketinggalan yang dilakukan atau dikatakan dibuat sebelum Tarikh Retroaktif itu.
- Waranti Premium– Premium perlu dibayar dan diterima oleh Allianz dalam masa enam puluh (60) hari dari tarikh permulaan polisi insurans. Jika tidak, polisi ini akan terbatal secara automatik dan Allianz berhak menerima premium pro-rata 60 hari bagi tempoh Allianz menanggung risiko di bawah polisi ini.

? Bolehkah saya membatalkan polisi saya?

Polisi ini boleh dibatalkan dengan persetujuan bersama antara anda dan Allianz.